

95 omnia expugnantium genera vitassent, unius tamen vel  
 alterius civium interius commanentium occulta proditio  
 sine ullo repente certamine capi fecit. Et nunc cave, ne  
 qua in sensibus tuis cogitatio proditionis tibi machinam  
 moliatur. Innumeris actibus licet in tempore expugna-  
 100 tionis murorum utatur inimicus, incassum cuncta tentabit.

4. Multos namque ac magnos habes divini munera  
 gratia viros qui nobiscum dolent, qui te palaestrae oleo  
 spiritualis saepe perfundunt, qui pro animae tuae diebus  
 ac noctibus salute formidant, habes sanctum Valerium  
 5 ac Deo dignum, Florentium quoque per omnia eidem  
 morum ornamenta germanum, habes Porphyrium phi-  
 losophiam Christi philosophantem, aliosque praeterea  
 plures numero et pares vita. Omnes hi indefessa casum  
 fraternalum lamentatione deplorant. Et iam sine dubio  
 10 iugi prece meruissent dudum adsequi quod precabantur,  
 si paulisper hostilibus laqueis temet ipsum exuere temp-  
 tasses. Quomodo ergo non incongruum et reprehensione  
 dignum videtur, si cum alii quidem de tua salute non des-  
 perent sed orationibus sempiternis recepturos se proprii  
 15 corporis partem esse confidant, nolis ipse consurgere  
 semel lapsus sed iacere persistas atque ipsum quodam-  
 modo hostem increpes dicens : « Occide, ne parcas ! »  
 « Numquid qui cadit non resurget ? » in caelestibus  
 libris legimus. Verum contradicis ipse his sermonibus ac  
 20 repugnas. Nam desperare semel lapsum, nihil aliud est  
 dicere quam hoc : qui semel ceciderit non resurget. Ne